

Liņusa la Muapositola wa Sikiliti Kriel ka Mazimumwangala, 07 Mbuwana 2020

Makalelo

Liņusa le ki zibiso kwa limembala za luna mwa South Africa, Lesotho, Botswana, eSwatini ni Namibia.

Sa pili, ni toka ku itumela kwa babeleki ba masupanzila bao ba lwanisa katowati, ni bao ba ba lu imuluzi mwa nako ya ku kwalwa kwa naha. Ni itumela kwa bayahi ba naha kaufela bao ba latelela milao mi ba nze ba apala liapalo za kwa lifateho, ba tapisa mazoho a bona nako ni nako ni ku yemana buhule yo muņwi ku yo muņwi. Katowati ka, ka ka ina ni luna. Lu ituteni ku pila ni kona.

Lu zwelapili ku lapela katata kuli mulyani u fumanwe kapili. Kuisa foo, silelezo kwa katowati ki ona mukwa wo tokwahala. Haiba kaufela lu eza cwalo, lu ka ba mbwasha.

Linzwi la buitumelo

Ni tokwa ku bulela kuli NI ITUMELA ku bao kaufela ba ba fa lituso ku ba ba li tokwa. Mwa nako ye, lituso za booko ni maikuto za tokwahala sina lituso za sico ni mubili. Ba baņata ba inzi mwa buinosi, buņata ha ba fumani lituso za mihupulo mi ba talimani ni buinomaswe bwa katowati ha ba inzi kwa hule ni sicaba.

Ni itumela kwa bashemi, Maticle ba Sikolo sa Lasunda ni baluti bao ba tusa bana ba luna ka sikolo sa mwa hae. Ki lwa pili lituto ze li fiwa mwa lipuo kaufela zo lu sebelisa mwa keleke ya luna.

Babanca ba zwelapili ku fana lituso yo muņwi ku yo muņwi.

Baetapili mwa lipina ba zwelapili ku bona kuli baopeli ba patehile. Se si tisa tabo kwa batu kaufela.

Lu itumela kwa bapatalazi kaufela bao ba lu lumeleza ku patalaza lisebelezo za luna. Lasunda ni lasunda, kutazo ya luna i a muhelwanga ki bolulelule ka mihala, satellite, wireless ni luwaile.

Ni itumela kwa babeleki ba keleke bao ba fetuzi mandu a bona kuba libaka za peleko. Ni itumela ni kwa mabasi a bona, ka mukwa o munca

wa peleko wo, mwa nako ya butuku bwa corona. *Ni lemuha kuli kaufela luna lu beleka katata luli....* Lu inzi mwa nako ya mafelelezo ya ku balwa kwa libuka za luna za mali ki ba Deloittes, imi unumwaha ki lwapili libuka za luna ku tatubwa cwalo. Ni itumela ku bao kaufela ba ba bile ni kolo mwa taba ye.

Ku tateka kwa Lisebelezo ze Kenile

Lu lemuhile kaufela temuso ya Muetapili wa South Africa yeli likeleke li lumelilizwe ku puteha kuzwa ka Lizazi lapilli la Mbuwana 2020 mwa tas'a milao ye filwe. Milao ye ki:

- Puteho ibe ni batu ba ba sa tuli fa mashumi a ketalizoho (50).
- Tatubo ya mufutumala wa mubili puteho ni puteho.
- Lipuzo za makete pili u kena mwa keleke.
- Keniso ya limembala ni miyaho.
- Ku apala liapalo ze apesa sifateho.
- Ku sa opela kwa likwata.
- Ku sa swalana kapa ku beiwa mazoho.
- Mukwa wa silelezo haiba ku fumanwa butuku.

Kasumulaho wa lingambolo, lu boni kuli lu fumane mukwa wa ku kutela kwa lisebelezo ka tokomelo. Lu tokomele kuli ha lu yahululi seo si ezizwe ki baitomboli ku to li cwale. Buino bwa makete bu bonisa kuli butuku ni mafu za ikezeha. Libaka mo lu na ni limembala ze ñata ki mo ku fumaneha ku atafala kwa katowati ka COVID-19.

Ki ka cwalo na ni Baapositola ni Mabishop kaufela ha lu ize ha lu na ku kutela mwa likeleke za luna mwa kweli ya Mbuwana ni Sikulu 2020. Se ha si talusi kuli lisebelezo li ka tateka mwa kweli ya Muyana. Lu ka nyakisisa buino ni ku mi zibisa.

Lu ka belekisa nako ye ku kenisa likeleke za luna ni ku luta baluti kuli lu latelele milao YOTE ye filwe.

Lisebelezo za likepelo

Milao ye sebeliswa mwa lisebelezo ze kenile ki yona hape ye sebeliswa mwa lisebelezo za likepelo. Ni kupa kuli lu meme palonyana feela ya batu kwa likepelo. Mashumi a ketelizo ha ki sikokwani, kono ki yona palo

feela ya lumelezwi. Mwa mazazinyana a felile, ku bile ni lipiho za batu ba ba na ni katowati ka COVID-19 bo ne baya kwa lisebelezo za likepelo. Se si tisize buinomaswe ku ba bañwi, keleke ya tateka lipatisiso ni buino bwa likeniso, mi ba makete ba patehile ku londota bao kaufela ne ba tile kwa kepelo kuli ku nyinyifazwe ku hasana kwa katowati. Mwa nako yeo, limembala no ba sina lisupo za katowati. Nako ye, likepelo li kona ku patalazwa fa moya – ha lu ezeñi cwalo.

Ha ni ambola za likepelo, ni mi hupulisa hape kuli litifo za likepelo za ka mwaha li kwala ka la 30 Mbuwana 2020.

So mu ka libelela nako ye ki sifi?

1. Lisebelezo za mazimumwangala li ka zwelapili sina kamita ku zwelela kwa Cape Town ni Njubeke. Lu ka lika ku bona kuli lipuo zeñwi za sebeliswa, ili kufa sibaka ku yomuñwi ni yo muñwi kuli a latelele sebelezo mwa puo ya hae. Nako ye, ba bañwi ba palelwa ku latelela lisebelezo ka mikwa yo lu belekisa. Lu ka sebelisa nako ye ku bata tatululo mwa tabo yeo, ili kuli yo ñwi a sike ku siala kwa mulaho. Lu li ka ku bona kuli kaufela mu fumana kusufazo ya lisebelezo. Ni mi kupa kuli mu lukise hande liimele ni mihala ya mina fa likepe la keleke ili kuli mi fumane mañusa kaufela a keleke.

Sina ha no mu zibisizwe, lu ketile katengo ku lu eleza fa litaba kaufela za ku tateka lisebelezo. Katengo ka ka patehile kuzwa livikinyana ze felile ni kufa piho ka viki mwa mikopano ya Baapositola ni Mabishop. Butungi bwa ze ka ezwa mwa likopano ni lituto za baluti li ka fiwa Batoneli ba likopano.

2. Katulo yeñwi ya Tautuna i talusa baluti kuba babeleki ba butokwa. Lu amuhezi katulo ye. Katulo ye i beleka feela mwa South Africa.

Mwa Keleke Yenca ya Baapositola mwa South Africa, Maprisita kaufela ki babeleki ba butokwa. Se ha si talusi kuli poto ya mabasi tenyene so ika tateka, baatili. Haiba kuli kuna ni taba ya putako ya simoya ye sa koni ku tatululwa ka kusa bonana, Muprisita u na ni ku potela lubasi lo.

Litaalo ze belekiswa mwa keleke li na ni ku belekiswa ki Maprisita, ili zeo ki keniso ya mazoho, siapalo sa kwa sifateho ni ku inana buhule.

Lisakiramente ni Limbuyoti

Kolobezo ye Kenile ya Mezi – ha i sika lumelwa kwa hae kapa kwa keleke, mi ika ezwa feela nako yeo milao ha ika cinca.

Kolobezo ya Moya O Kenenile - ha i sika lumelwa kwa hae kapa kwa keleke, mi ika ezwa feela nako yeo milao ha ika cinca.

Silaalo se si Kenile – Sina ha ku na ni kozi ya ku ambalakana kwa katowati ka COVID-19, ha lu na ku ikabela Silaalo se si Kenile nako ya cwale.

Kaufel'a luna lu na ni takazo ya ku ikabela Silaalo se si Kenile. Ku bao ba ba libelezi kolobezo ya bana ba bona ni mpo ya Moya O Kenile, ni tokwa ku mi omba-omba ka ku mi zibisa kuli Mulimu wa luna wa ziba buino lwa luna. Sishemo sa Hae ni lilato la Jesu li ka lu apesa.

Likezo za mbuyoti

Mbuyoti ya linyalo, kupuzo ya linyalo, mbuyoti ya baima ni likezo za limbuyoti kaufela li hanisizwe ka nako ye.

Bao ba tokwa ku nyalana simubuso, ba kona ku eza cwalo kwa mandu a bona kapa kwa keleke ha se ba ambozi ni maofisa ba manyalo. Mwa South Africa, palo ya batu i sike ku tula ba ketalizoho (munyalisi, ba ba nyalana ni lipaki ze peli).

3. Linubu

Ni tokwa ku sebelisa nako ye ku itumela ku bao kaufela ba ba zwisa nubu ka tumelo mwa nako ye ye tata.

Lu lemuhile kuli kwa limembala za luna ba ba bata ku zusa nubu ka mali ku na ni butatanyana. Ba bañwi ba zusa nubu ka mukwa wa tuso ya magesi. Na mi hupuza hape, wo ki wona mukwa wo yemelwa ki keleke ya luna, kakuli u fukuza buinomaswe bwa ku lwala ni ku bala mali.

Ku alabela kwa limembala za luna ba ba tokwa ku tisa nubu kono ha ba koni ku belekisa tuso ya magesi, ni tabile ku mi zibisa kuli mu kona ku eza cwalo ka Easy Pay. Mu kona ku tisa nubu ya mina mwa libaka ze eza bolule ba ketalizoho ka ba ba ne ni myaanda ye ketalizoho (9 500) mwa naha ya South Africa.

Batoneli ba likopano ni Maprista ba ka amuhela temuso ku mi zibisa mukwa wa ku sebelisa nzila ye. Ka bukuswani, mu kona ku bea nubu ya mina mwa buñata bwa libenkele ze mwa South Africa (ka bumai, taba ye ha iyo mwa Botswana, eSwatini, Lesotho Mozambique ni Namibia). Na lemuha kuli ye ki cincheho-tuna ku luna. Lu siala ni tuto ya kuli nubu ya luna ki sisupo sa buitumelo bwa luna ku Mulimu; ki sisupo sa tumelo ni sepo ya luna ku Yena. Ku bao ba ba sina hande sibaka sa ku bekekisa tuso ya magesi, mukwa wo ki wo yemelwa ki keleke sina ku swala mali ni kona ha ku ñatafaza katowati ka COVID-19.

Ku bao ba ipumana mwa buino bwa ku palelwa ku zusa nubu ka libaka le kapa lale; ni tokwa ku felisa maikuto a ku ba ni mulatu mwa pilu ya mina. Mu zibe kuli lwa mi lapelela zazi ni zazi kuli buino bwa mina bu mbweshafale.

Mulimu u ziba pilu ya mina mi lizoho la Hae ha ki le li kuswani kuli a sike ku mi fuyaula.

4. Mali a keleke

Keleke i fumana mali ka linubu za tumelo za bana ba Mulimu. Ki taba ya niti kuli mali a keleke a kutezi kwa tasi hal'a likwelinyana ze felile.

Ni tiiseza kuli lu fukuzi lisinyehelo za luna za ka kweli, imi babeleki kaufela ba ezize sitabelo ka lituwelo ni litukelo zeñwi.

5. Lizibiso

Sebelezo ya Muapositola yo Muhulu - la 14 Mbuwana ka 09h00, kwa Strasbourg ha belekela naha Zambia – i ka ba mwa puo ya Sikuwa.

Ka la 21 Mbuwana 2020, Muapositola Nene u ka zamaisa sebelezo ye kenile mwa Silvertown. Sebelezo ye i ka ba mwa puo ya Sixhosa imi i ka tolokiwa mwa Sikuwa.

Ka la 28 Mbuwana 2020, Muapositola Swartboo u ka zamaisa sebelezo mwa Sandton. Sebelezo ye i ka ba mwa puo ya Sibulu mi i ka tolokiwa mwa Sikuwa.

Ni ka mi belekela ka la 5 Sikulu 2020. Kasamulaho wa sebelezo yeo, ni ka mi zibisa ka za lizwelopili ku amana ni ku tateka lisebelezo kwa luna.